

So'x tumani hokimining qarori Tumanda ijtimoiy muhofazaga muhtoj va va ish topishda qiynalayotgan shaxslarni ishga joylashtirish uchun ish o'rinlarini band qilib qo'yish to'g'risida



**FARG'ONA VILOYATI SO'X TUMANI HOKIMINING
QARORI**

2022 - yil 20 - may

87-11-159-Q/22

So'x tumani hokimligi

**Туманда ижтимоий муҳофазага муҳтож ва иш топишда қийналаётган
шахсларни ишга жойлаштириш учун иш ўринларини
банд қилиб қўйиш тўғрисида**

Ўзбекистон Республикаси “Аҳолини иш билан таъминлаш тўғрисида” ги Қонуннинг 17-моддасига (Ўзбекистон Республикаси Қонун ҳужжатлари тўпламлари, 2013 йил, 41-сон 543-модда) ва “Ўзбекистон Республикасида ногиронларни ижтимоий ҳимоя қилиш тўғрисида”ги (Ўзбекистон Республикаси Қонун ҳужжатлари тўпламлари, 2013 йил, 18-сон, 233-модда) Қонунларига ҳамда Ўзбекистон Республикаси Вазирлар Маҳкамасининг 2017 йил 5 декабр кунидаги «Ижтимоий муҳофазага муҳтож, иш топишда қийналаётган ва меҳнат бозорида тенг шартларда рақобатлаша олмайдиган шахсларни ишга жойлаштириш учун иш ўринларининг энг кам сонини белгилаш ва захирага қўйиш тартибини янада такомиллаштириш чоратадбирлари тўғрисида»ги 965-сонли Қарорига асосан туманда ижтимоий ҳимояга муҳтож, иш топишда қийналаётган ва меҳнат бозорида тенг шартларда рақобатлашишга қодир бўлмаган шахсларни 2022 йилда ишга жойлаштириш учун иш жойларини энг кам миқдорини белгилаш, захирага қўйиш ҳамда қўшимча иш жойлари яратиш мақсадида Ўзбекистон Республикаси “Маҳаллий давлат ҳокимияти тўғрисида”ги қонуннинг 6 ва 25 моддаларини қўллаб,

ҚАРОР ҚИЛАМАН:

1. Ўзбекистон Республикаси Вазирлар Маҳкамасининг 2017 йил 5 декабрдаги “Ижтимоий муҳофазага муҳтож, иш топишда қийналаётган ва меҳнат бозорида тенг шартларда рақобатлаша олмайдиган шахсларни ишга жойлаштириш учун иш ўринларининг энг кам сонини

белгилаш ва захирага қўйиш тартибини янада такомиллаштириш чоратадбирлари тўғрисида”ги Қарорига ҳамда меҳнат тўғрисидаги қонун ҳужжатларига мувофиқ ташкилотлар — иш берувчиларга ижтимоий муҳофазага муҳтож, иш топишда қийналаётган ва меҳнат бозорида тенг шартларда рақобатлаша олмайдиган шахслар (кейинги ўринларда муҳтожлар деб аталади)ни ишга жойлаштириш учун иш ўринларини захирага қўйиш мажбурияти юкланганлиги маълумот учун қабул қилинсин.

2. Туманда ижтимоий муҳофазага муҳтож ва иш топишда қийналаётган шахсларни ишга жойлаштириш учун иш жойларининг энг кам миқдорини белгилаш ҳамда уларга қўйиладиган талабларни аниқлаш бўйича комиссия таркиби 1-иловага мувофиқ, 2022 йилда муҳтожлар учун иш жойларининг энг кам миқдори белгиланган корхоналар ва ташкилотлар рўйхати 2-иловага асосан тасдиқлансин. Туман Аҳоли бандлигига кўмаклашиш марказига ижтимоий муҳофазага муҳтож, иш топишда қийналаётган ва меҳнат бозорида тенг шартларда рақобатлаша олмайдиган шахслар учун иш ўринларининг энг кам сонини белгилаш масалалари бўйича туман ҳокимларининг қарорлари бажарилиши 3-иловага асосан тасдиқлансин.

3. “Ижтимоий муҳофазага муҳтож, иш топишда қийналаётган ва меҳнат бозорида тенг шартларда рақобатлаша олмайдиган шахсларни ишга жойлаштириш учун иш ўринларининг энг кам сонини белгилаш ва захирага қўйиш тартиби тўғрисида” Низомнинг 2-бандига кўра қуйидаги асосий тушунчалар маълумот учун қабул қилинсин:

одам савдоси қурбони — мажбурий меҳнат ёки хизматлардан, қуллик ёки қулликка ўхшаш урф-одатлардан, бошқа шахс томонидан фоҳишабозликда эксплуатация қилишдан ёки шахвоний эксплуатация қилишнинг бошқа шаклларида, эрксиз ҳолатдан ёхуд инсоннинг органлари ва тўқималари олиб қўйилишидан жабрланган шахс;

ногирон — жисмоний, ақлий, психик ёки сенсор (хиссий) бузилишлар мавжудлиги оқибатида ҳаёт фаолияти чекланиши муносабати билан қонун ҳужжатларида белгиланган тартибда ногирон деб эътироф этилган ва ижтимоий ёрдам ва муҳофазага муҳтож бўлган шахс;

пенсияолди ёши — эрақлар учун 58 ёшдан 60 ёшга тўлишгача ва аёллар учун — 53 ёшдан 55 ёшга тўлишгача пенсияга чиқишдан олдинги ёш;

иш ўринларини захирага қўйиш — ташкилот (иш берувчи)

томонидан ижтимоий муҳофазага муҳтож, иш топишда қийналаётган ва меҳнат бозорида тенг шартларда рақобатлаша олмайдиган шахслар учун ўз маблағлари ҳисобига ташкил этилган иш ўринлари;

иш ўринларининг энг кам сонини белгилаш — ижтимоий муҳофазага муҳтож, иш топишда қийналаётган ва меҳнат бозорида тенг шартларда рақобатлаша олмайдиган шахсларни ишга жойлаштириш учун ташкилотнинг рўйхатдаги ўртача ходимлари сонининг фоизларида туман хокимининг қарори билан белгиланадиган иш ўринлари сони.

4. Муҳтожлар учун **561** та захирага қўйилган иш ўринларига куйидаги талаблар белгилансин:

14 ёшгача ва ногирон болалари бўлган ёлғиз ва қўп болали ота-оналар учун 103 та— болаларни тарбиялаш ва меҳнат мажбуриятлари бўйича мажбуриятлар бажарилишини бирга қўшиб олиб бориш имконини берувчи ишнинг мослашувчан жадвалига эга бўлган иш ўринлари;

умумий ўрта ва ўрта махсус, касб-хунар таълими муассасаларини тамомлагандан кейин касбни эгаллаган ёшлар, шунингдек, олий таълим муассасаларининг давлат грантлари бўйича таълим олган битирувчилари учун 169 та — уларнинг касбий тайёргарлигига мувофиқ бўлган иш ўринлари;

сафарбарлик чақириқ захирасида хизматни ўтаган ва Ўзбекистон Республикаси Қуролли Кучлари сафларидан муддатли ҳарбий хизматдан бўшатишган шахслар учун 24 та — уларнинг профессионал тайёргарлигига мос бўлган иш ўринлари;

ногиронлар учун 177 та — меҳнат шaroитлари бўйича аттестациядан ўтказилган ва ходимга уларнинг соғлиги ҳолатини ва меҳнат фаолиятига тўғри келмайдиган белгиланган зиддиклар ҳисобга олинган ҳолда меҳнат операцияларини тўсиқсиз бажариш имконини берадиган иш ўринлари;

пенсияолди ёшидаги шахслар учун 49 та — уларнинг касбий тайёргарлигига мос бўлган ёки махсус малакани талаб этмайдиган иш ўринлари;

жазони ижро этиш муассасаларидан ёки суднинг қарорига кўра тиббий тусдаги мажбурлов чоралари қўлланилган шахслар учун 33 та — уларнинг касбий тайёргарлигини ҳисобга олган ҳолда ёки махсус

малакани талаб этмайдиган иш ўринлари;

одам савдоси қурбонлари учун 6 та — уларнинг касбий тайёргарлигини ҳисобга олган ҳолда ёки махсус малакани талаб этмайдиган иш ўринлари характерли талабларга мувофиқ бўлган меҳнат шароитларини таъминлайдиган иш ўринлари.

5. Мазкур Қарорнинг 2-иловасига мувофиқ муҳтожлар учун захирага қўйилган корхона ва ташкилотлари (кейинги ўринларда иш берувчилар деб аталади):

- ҳар ойида ҳисобот ойдан кейинги ойнинг 5-кунигача туман Аҳоли бандлигига кўмаклашиш марказига ушбу Низомнинг 3-иловасига мувофиқ шакл бўйича муҳтожларни ишга жойлаштириш тўғрисидаги ахборотни тасдиқловчи ҳужжатларини илова қилган ҳолда тақдим этишлари шарт;

6. Иш берувчилар томонидан муҳтожларни ишга жойлаштириш учун иш ўринлари тайёрлиги тўғрисида ахборот тақдим этмаслиги, тенг даражада захирага қўйиладиган иш ўринларининг белгиланган сони ҳисобига ишга жойлаштириш учун иш ўринларининг амалда тайёр эмаслиги ҳамда муҳтожларни Аҳоли бандлигига кўмаклашиш марказининг йўлланмаси асосида захирага қўйилган иш ўринларига ишга жойлаштириш ташкилот томонидан асосиз рад этилиши ташкилот мансабдор шахсларининг қонун ҳужжатларида белгиланган жавобгарлигига олиб келишлиги маълумот ва ижро учун қабул қилинсин.

7. Муҳтожлар учун захирага қўйилган иш ўринлари ишга жойлаштириш ташкилотлар томонидан туман Аҳоли бандлигига кўмаклашиш маркази йўлланмаси бўйича ёки мустақил равишда амалга оширилиши инобатга олинсин.

8. Туман Аҳоли бандлигига кўмаклашиш марказига ижтимоий муҳофазага муҳтож, иш топишда қийналаётган ва меҳнат бозорида тенг шартларда рақобатлаша олмайдиган шахслар учун иш ўринларининг энг кам сонини белгилаш масалалари бўйича туман ҳокимларининг қарорлари бажарилиши устидан назорат қилиш ҳамда беш кун муддатда иш берувчи ташкилот раҳбарлари эътиборига етказиш вазифаси юклатилсин.

9. Туман Аҳоли бандлигига кўмаклашиш маркази (А.Абдиев) туман ишчи гуруҳига:

- иш берувчилар томонидан иш ўринларини захирага қўйилганлиги тўғрисида маълумотни олиш;

- **ҳар ойнинг 10 санасига қадар** - иш берувчилар томонидан муҳтожларни ишга қабул қилиниши бўйича маълумотни ҳамда мазкур Қарорни бажармаган иш берувчи ташкилот мансабдор шахсларига жарима солинганлиги тўғрисида умумлаштирилган ахборотларни юбориш вазифаси юклатилсин;

10. Ўзбекистон Республикаси Бандлик ва меҳнат муносабатлари вазирининг 2019 йил 10 майдаги “Ўзбекистон Республикаси Бандликка қўмаклашиш давлат жамғармаси маблағлари ҳисобидан субсидия ва грантлар ажратиш тартиби тўғрисида Низомни тасдиқлаш ҳақида”ги 19-2019-Б-сонли буйруғига (АВ рўйхат рақами №3163, 31 март 2019 йил) мувофик, ижтимоий эҳтиёжманд аҳоли қатламларига мансуб шахсларни квоталанган энг кам иш ўрнидан ортиқ миқдорда ишга қабул қилган ташкилотларга - режадан ортиқ қабул қилинган ҳар бир ҳодим учун 12 ой давомида ҳар ойда энг кам ойлик иш ҳақининг 2 баравари миқдорида субсидия тўлаб берилиши инобатга олинсин.

11. Ушбу Қарор имзоланган кундан эътиборан кучга кириши белгилансин.

12. Ушбу Қарорнинг бажарилиши устидан назорат қилиш туман ҳокимининг биринчи ўринбосари И.Тожибоев зиммасига юклатилсин.

Tuman hokimi



С.Сайидмусаев

So'x tuman hokimining
2022 yil 20 maydagi
87-11-159-Q/22-son qaroriga
1-ilova

Ижтимоий муҳофазага муҳтож ва иш топишда қийналаётган шахсларни ишга жойлаштириш учун иш жойларининг энг кам миқдорини белгилаш ҳамда уларга қўйиладиган талабларни аниқлаш бўйича

КОМИССИЯ ТАРКИБИ

- | | | | |
|----|---------------|--|----------|
| 1. | И.Тожибоев | – Туман ҳокимининг биринчи ўринбосари | – раҳбар |
| 2. | А.Абдиев | – Туман Аҳоли бандлигига кўмаклашиш маркази директор ўринбосари - ишга жойлаштириш ва аҳолини ижтимоий қўллаб-қувватлаш бўлими бошлиғи | – котиб |
| 3. | А.Турабоев | – туман ҳокими ўринбосари, маҳалла ва оилани қўллаб-қувватлаш бўлими бошлиғи | – аъзо |
| 4. | М.Сафарова | – туман маҳалла ва оилани қўллаб-қувватлаш бўлими бошлиғининг 1-ўринбосари | – аъзо |
| 5. | Б.Хусейнов | – туман ҳалқ таълими бўлими бошлиғи | – аъзо |
| 6. | Г.Усмонова | – туман мактабгача таълим бўлими бошлиғи | – аъзо |
| 7. | У. Мамадалиев | – туман тиббиёт бирлашмаси бошлиғи | – аъзо |

So'x tuman hokimining
2022 yil 20 maydagi
87-11-159-Q/22-son qaroriga
2-ilova

Тумани ҳисобий муҳозираси ҳуқуқ ва ҳокимлик қўллаб-қувватлаган ширкатлари ва таъширатлари учун вақтинчалик
билан қилинган шартнома

МАЪДУМОТ

Table with multiple columns including company names, INN, and various financial and operational metrics. The table lists numerous companies such as 'SO'X' and various LLCs, along with their respective data points across different categories.

69	OOO "SO'NGIHROQURILISH"	26436921	31	3		1		1		1	
70	MAHALA VA OHANGI QULLAR QUVATLASH	207316458	86	8	2	2		2	2		
71	"SO'X" PEDAGOGIKA KOLLEJI"	205209114	47	4	1	1		1		1	
72	"COHUR UYUMIYIY VPIA MOKTAP"	201248972	82	8	2	1		2	2	1	
73	YUPEKJEDIBE "SO'X TUMAN VETERINARIYA BO'LIMI"	200185152	22	2		1		1			
74	"SO'X QISHLOQ XIZMATE, KASHIBUNAR KOLLEJI"	200185382	89	8	1	2		2	1	2	
75	So'x tumani Davlat soliq boshqarmasi	201044760	36	3	1	1		1			
76	21-MOKTAPGACHA TAYLIM MUASSASASI	207080858	32	3	1	1		1			
77	29-sonli umumiy o'rta ta'lim maktabi	207223284	39	3		1		1	1		
	Jami		5951	561	183	169	24	177	49	33	6

So'x tuman hokimining
2022 yil 20 maydagi
87-11-159-Q/22-son qaroriga
3-ilova

Туманда ижтимоий муҳофазага муҳтож ва иш топишда қийналаётган шахсларни ишга жойлаштириш учун иш ўринларини банд қилиб қўйиш тўғрисида

МАЪЛУМОТ

№	Худудлар номи	Ижтимоий муҳофазага муҳтож, иш топишда қийналаётган ва меҳнат бозорига тенг шартларда рақобатлаша олмайдиган шахсларни ишга жойлаштириш учун иш ўринларини белгилаш таъминлаётган корхона ва ташкилотлар сони	Желгуси йилга захирата қўйиш тақлиф этилаётган иш ўринлари сони	14 ёшгача ва ногирон болалари бўлган Елғиз ва ёш болалари ота-оналари учун банд қилинган иш ўринлари сони	Умумий ўрта махсус, касб-муассасаларининг давлат грантлари бўйича таълим олган битирувчилари учун банд қилинган иш ўринлари сони	Сафарбарлик чакирлик хизматини ўтаган ва Ўзбекистон Республикаси Қуролли Кучлари сафларидан мудатли ҳарбий хизматдан бўшатилган шахслар учун банд қилинган иш ўринлари сони	Ногиронлиги бўлган шахслар учун банд қилинган иш ўринлари сони	Пенсия олинган шахслар учун банд қилинган иш ўринлари сони	Жазони ижро этиш муассасаларидан ёси суднинг қарорига қўрагиббий тусдаги мажбурлов чоралари қўлланилган шахслар учун банд қилинган иш ўринлари сони	Одам савдоси қурбонлари учун банд қилинган иш ўринлари сони
A	B	1	2	3	4	5	6	7	8	9
	Сух тумани	77	561	103	169	24	177	49	33	6
Жами:		77	561	103	169	24	177	49	33	6